



Lilongwe: April 19, 2020

## UTHENGA WAPADERA – WA COVID 19 EMERGENCY CASH TRANSFERS

Boma La Malawi likudziwitsa anthu onse kuti malingana ndi mliri wa corona omwe wakhuzanso dziko la Malawi, Boma kudzera m'ma khonsolo am'mizinda ikulu-ikulu ndi thandizo lochokera ku boma komanso kumabungwe osiyanasiyana lakonza ndondomeko zofuna kuthandizira mabanja ovutikitsitsa amene akupezeka mmizinda.

Cholinga cha ndondomekoyi ndi kuthandiza mabanja ovutikitsitsa omwe amadalira ndalama yopeza tsiku ndi tsiku kuti athandizike pa moyo wao.

Pakadali pano makhonsolo akhala akuchita kaundula oyenera m'mizindayi m'madera okhaokha m'mene mumakhala anthu ochepekedwawa. Boma likudziwitsa anthu onse kuti ndi anthu ovutikitsitsa okha amene adzalowe mu kaundulayi. Kaundulayu adzitsatila ndondomeko izi:

- Adzagwiritsa ntchito olembera omwe ali kale m'mawadi.
- Azatsogozedwa ndi Atsogoleri am'mabuloko.
- Anthu aku khonsolo adzalemba mndandanda wa mayina a makomo ndi manambala a lanya zawo ndi malo omwe anavomerezeka kuti anthu ovutikawo amachokera.

- Anthu osankhidwa mu ndondomekoyi, adzidzalandira thandizoli kudzera mu njira za makono pa lamya kapena ku bank.

Dziwani kuti kaundula wa anthu ovutikitsitsa m'mizinda ayamba masiku akubwerawa pogwiritsa ntchito achinyamata omwe azidzayenda m'makomo motsatira mdandanda wa m'makomo (household list) omwe ma khonsolo ndi Madera ali nawo kale.

Boma likudziwitsa anthu onse kuti pamene ntchito yothandiza anthu ovutikitsitsa m'mizinda ikulu-ikulu ikukhazikitsidwa, pologalamu ya 'Mtukula pa Khomo' ikhala ikupitilirabe m'maboma onse a mdziko lino.

Mungathe kumva zambiri kuchokera kwa Mkulu woyang'anira ntchito zochepetsa umphawi komanso za mthandizi mu Unduna waza chuma ndi mapulani aza chuma Mai Patricia Zimpita kapena Mlembi wamu unduna oyang'anira mapulani aza chiwerengero komanso zosamalira anthu Dr Ken Ndala.

*Uthengawu akukupatsirani ndi a Boma la Malawi mothandizana ndi mabungwe osiyanasiyana omwe amathandiza dziko lino.*